

Axenda 21 escolar de Galicia

Educando pola Sostibilidade nos centros educativos

Recoñecemos e declaramos a importancia e a necesidade de respectar o medio ambiente da nosa comunidade, preservando os recursos naturais e a biodiversidade, asegurando a saúde pública e mellorando a calidade de vida da súa poboación, contribuindo ao desenvolvemento sostible de Galicia e do planeta.

O Decenio das Nacións Unidas (2005-2014) da Educación para o Desenvolvemento Sostible " ten como obxectivo integrar os principios, valores e prácticas do desenvolvemento sostible en tódalas facetas da educación e o aprendizaxe fomentando cambios de comportamento, necesarios para preservar no futuro a integridade do medio ambiente e a viabilidade da economía, e para que as xeracións vindeiras gocen de xustiza social.

Estes obxectivos, do presente para o futuro, necesariamente deben contar con toda a cidadanía. A infancia e a xuventude de Galicia deben ser cualificadas para participar con pleno dereito no proceso de crear o seu futuro sostible, facendo as súas achegas responsables sobre o seu contorno.

Por todo isto, comprometémonos a implantar o programa da "**Axenda 21 Escolar de Galicia – A21EG**" integrándoo nos nosos respectivos proxectos educativos, coa finalidade de propiciar a participación activa do alumnado na análise da calidade ambiental da súa comunidade e na toma democrática de decisións para a conservación e mellora do medio ambiente.

Así formulamos públicamente a nosa obriga conxunta de traballar activamente no desenvolvemento da "**A21EG**" cara a sostibilidade do noso contorno.

C O M P R O M I S O S :

- A Consellería de Medio Ambiente e Desenvolvemento Sostible apoiará ao centro educativo no proceso de consolidación da súa "**A21EG**" con asistencia técnica e loxística e apoio económico, e consolidará unha comunidade de "**Centros-A21EG**".
- A Consellería de Educación e Ordenación Universitaria garantirá o asesoramento didáctico e o apoio formativo ao profesorado dos "**Centros-A21EG**", e recoñecerá esta actividade como unha dinamización específica.
- O centro educativo IES Eduardo Blanco Amor implantará e consolidará o programa "**A21EG**", integrándoo no seu proxecto educativo e programacións, propiciará e fomentará a participación activa de todas as persoas da comunidade educativa. Constituirá o "Comité Ambiental do centro" e, cada curso académico, avaliará o proceso desenvolvido e os logros acadados; comunicando os resultados obtidos á comunidade de "**Centros-A21EG**".

Santiago de Compostela, a 30 de xaneiro de 2008

A CONSELLERA DE EDUCACIÓN E
ORDENACIÓN UNIVERSITARIA

Asdo: Laura Elena Sánchez Piñón

O CONSELLERO DE MEDIO AMBIENTE E
DESENVOLVEMENTO SOSTIBLE

Asdo: Manuel Vázquez Fernández

O DIRECTOR DO
IES EDUARDO BLANCO AMOR

Asdo: José Luis Díaz Leyes